

DOCTRINAE GRAMMATICORUM
DE DECLINATIONIBUS FENNICIS

BREVIS EXPOSITIO;

(QUAM

CONS. AMPL. FAC. PHILOS.

AD UNIVERS. IMP. ALEXANDR. IN FENNIA

PUBLICAE CENSURAE MODESTE SUBJICIUNT

AUCTOR

GABRIEL REIN

(*Philos. Doct̄or & Historiarum Docens;*)

NEC NON

RESPONDENS

ALEXANDER FERDIN. BORENIUS

Stipendiarius Publicus,


Wiburgenses.

P. II.

In Auditorio Theol. die X Junii MDCCXXIX.

h. p. m. s.

HELSINGFORSIAE,
Ex Officina Typographica FRENCKELLIANA.



fauden), neque facile dijudicabit aliquis quarum numerus sit major. Litteram & assumentes convenient cum finientibus in ius & hys, itidem hoc modo mutatis, ut ahkeruus ahkeruuden, laiskuus laiskuuden. Privativa in on vel oin (rectius ton, tōn, toin, tōin) per man (& duplicatum t: sanomaton sanomattoman) & omnia alia in n *) exeuntes per men (awain awaimen) moveri, rete perhibet; exceptis tamen iis quae in Nominativo jam habent men, quo pacto tantum addunt en ut siemen siemenen; habet autem in quibusdam dialectis höyhen non höyhemen sed höyhenen. Mirum videri queat cur auctor noster nomina in r exeuntia Genitivoque brevis terminationis instructa (sisär sisären, tytär tyttären, auwer auweren), silentio omnino transierit, nisi assumas eum vocabulis proprie in i desinentibus eadem annumerasse; hodienum enim in earum pronuntiatione i auditur brevissimum Russorum Jer simillimum, unde etiam scribitur naapur & napuri, wifur & wifuri, laitur & laituri. Absolutis praeципuis a Vhaelio hac de re allatis, quae a recentioribus Grammaticis sunt addita brevitatis studiosi paucis absolvere cogimus, idque eo potius quo magis nobis persuasi sit quam parum sufficient vires judicio de iisdem ferendo. Satis igitur sit observasse regulas a Vhaelio prolatas passim a Rev. Strahlmann esse emendatas, e. c. doctrinam de mutatione litterae i in e distinctius magisque veritati convenienter (p. 23) tractatam; Dn. Juden (p. 10 sq.) praemisisse tabulam variationem consonantium in universum demonstraturam, qua duce uti flexiones in universum ita Genitivi quoque derivatio maxime adjuvatur, & Nob. Becker aequaliter consonantium mutandarum praeposuisse conspectum (p. 9—15) & in ipsis declinationibus afferendis Genitivos formae irregularis ex Nominativis jam obsoletis

*) Vocabula in nen, Genitivum in s formantia, utpote supra jam allata, heic esse excipienda per se jam patet.

ortos esse acutissime enucleasse (p. 29, 37 sqq.); in universum tamen omnes cum Vhaelio convenient, unde eo minus satis copiosam jam de Genitivi Singularis derivatione expositionem ulterius producendam duximus.

Genitivus Pluralis numeri duabus in lingua nostra gaudet terminationibus, utpote ex duobus casibus derivatis, Accusativo scilicet sic dicto partiali (de quo infra expositius tractabitur), Singulari & Plurali, mutatis a vel å in en vel ten; e. c. ex Acc. part. sing. leipåå fit Gen. Plur. leipåen contracte leipåin & ex Acc. part. plur. leipiå Gen. pl. leipiien, leipiin; — similiter hammassta hammassten, hampaita hampaitten vel ut in versiculis sonat:

Jhminen se järjellinen, mieellinen,
Seas' Luojan luotusen; &
Jstun kukkan kaolla
Suloisten sisarten kanssa.

Unam tantum formam in Genitivo hocce agnoverunt Petraeus, Martinius & Vhaelius, quam ex accusativo partiali vel Singularis vel Pluralis numeri, uti videtur, derivarunt duo priores, ultimus vero ex Nominativo singulari deducendam censem; ex ipsis exemplis allatis tamen apparet casum huncce Accusativo part. sing. in plurimis esse adaptatum. Utrasque formas profert Strahlmann, significationem tamen earum distinguit, ita ut alteram definitam, alteram indefinitam appellat, caeteri autem flexionem hancce duplarem unanimiter assumentes nullam eidem differentiam inesse autumarunt.

Casus a plurimis Grammaticis nostris *Dativus* (Wemfall) appellatus, Singularem in Ille, Ille, & Pluralem in ille illen (poëtice Illehen illehen,) finiens, in vernaculo sermone tribuendi includit significationem, neque in universum tam amplam habet vim ac idem casus in aliis linguis; denotat enim praesertim personam vel rem in cuius

possessionem externam, superficiem vel vicinitatem transit
vel cujus commodo vel incommodo inservit aliquid: e. c.

Weit juoſſit ſilmiftähán - - -

Rheille rinoillehen

Rinnoiltahan polwillehen;

vel: Suuri waiwa wanhimmaſſe

Kuin poika pahoiñ tekeepi.

Relationem istam externam, hoc casu denotatam, respiciens von Becker *Dativum exteriore* eundem appellavit & Renvall ob motum ad rem, quem itidem denotat, *Allativum* nuncupavit. Derivatur in Singulari ex Genitivo mutato *n* in terminaciones istas jam allatas *ll* vel *llen* ut *poika*, *pojan*, *pojalle*. Dativum in Plurali Nominum in *s* ex Nominativo Singulari deducendum censem Vhael (p. 16) ut *wirſi* *wirsillen*; quibus addenda videntur caetera quoque in vocalem terminantia, quae ultima Genitivi consonante haud mutata flectuntur, ubi *a* fit *illen* vel *oillen* (*kotka* *kotfillen* *kala* *kalovillen*) *å* *illen* vel *ölllen* (*emå* *emillen*, *kynttilå* *kynttilölllen*) *o* *oillen* (*kannisto* *kanništöillen*) *ö* *ölllen* (*jörö* *jörölllen*) *u* *uillen* (*wilu* *wiluullen*) *y* *yillen* (*mylly* *myllyhillen*) *i* *illen* (*kieli* *kielillen*). Pariter verba in *uus*, *yhś*, *us* & *ys*, cum Genitivo in *den* ex eodem casu Dativum formare possunt, vel addita tantum terminazione, ut *totuuſſillen*, *phhyhſillen*, vel praemisso *f* ante *ś*: *warkauſſillen*. Caetera nomina facilius quam ex Genitivo plurali, uti contendit Vhael (p. 16) ex eodem casu singularis Numeri flectenda videntur, mutatis ultimis duabus (saepissime *en*) vel ultima littera in terminationem datam, & observatis insimul quae paullo ante de variatione attulimus ultimae vocalis: e. c. *näkin* *näkimen* *näkimillen*, *akka* *akan* *akoillen*, *nurkka* *nurkan* *nurkillen*, *pöytä* *pöydän* *pöydillen* *pöyhän* *pöhywillen*, *kaakko* *kaakon* *kaakoillen*, *pitäntö* *pitännön* *pitännöillen* & sic porro. Praeterea addendum est in vocabulis quorum, hisce legibus observatis, similis oriretur Dativus in utroque Numero,

vocalem e terminationi Dativi pluralis praemittendam esse, ut náffi náfin náfillen náfeillen; & in monosyllabis cum diphthongo vel vocali longa instructis, priorem vocalem esse ejiciendam e. c. wó wólllen, luu luillen.

Accusativus sic dictus *totalis* patiendi & accipiendi, ubi de toto objecto est sermo, significationem induit, non tamen plurimae voces propria Accusativi totalis gaudent forma, verum in Singulari numero Genitivo, in Plurali Nominativo sunt similes, unde Cel. Renvall casum huncce utpote linguae nostrae alienum omnino omisit; posteriores tamen, aequae ac antiquiores Grammatici, ex differentia ista, in utroque numero observata, colligentes hancce vocabuli relationem neque Genitivo nec Nominativo plane aequallem esse habitam, & in memoriam revocantes quibusdam pronominibus ad vim Accusativi exprimendam propriam esse formam (sic miná in Accusativo plur. non habet me & myð uti Nominativus, sed meidán, meiåt, hán non he sed heiåt, heidán, te teiåt teidán), eundem retinuerunt. Praeterea ex ipso contextu tantum agnoscendus est casus hicce ut:

Muistan meret kynnetetyksi,
Sarka jaot sauwotufksi,
Ulma pielet pistethyksi,
Nääet myllermoditetyksi
Kiivet luotufsi kokohon; vel
Laulaisinpa lamminlummen
Merelummen liirettäisint.

Duplicem Accusativi formam, nulla differentia inter utramque indicata, attulerunt jam Petraeus & Martinius, Vhaelius autem distinctione facta, praeter Accusativum totalem, *Accusativum* quoque profert *partiale*m, qui subjectum vel objectum indefinite intellectum exprimit, tumque adhibetur ubi de parte tantum rei, non de tota re est sermo, ubi igitur quantitatis insimul habetur respectus;

dicunt e. c. palion miehiā, significaturi non omnes nec certos viros, verum partem tantum eorum in universum heic indigitari, uti etiam e versiculis apparent sequentibus:

Olis se kaipo tukkaisella
 Ett ej kielta kimalaisen
 Kukka saanut
 Jolla maistasi mesiā;
 Ett ej saanut sieramia,
 Semmoisia,
 Kuin on neitosen nenällä:
 Että ite iloijtisi,
 Imekissä,
 Hyvän hengensä himoja.

Hoc sensu plurimae quoque aliae linguae Accusativum communem evitant, & quamquam non proprio, more Fennorum, gaudent casu, vel Genitivo, vel omissa articulo, vel statu indefinito vel particula praemissa sententiam exponunt. Denominationem Vhaelianam retinuit Ju-dén, quantitatis vim autem respiciens Renvall *Quantitivum* casum huncce appellavit 22) & von Becker ob indefinitam ejus significationem, *Infinitivi*, a Cel. Palander primo usurpati 23), cognomine nuncupavit, quam appellationem utpote aptissimam deinde quoque adhibuit Renvall 24). Casum huncce omnino omittit Rev. Strahlmann, nominibus nostris praeter definitam (*Beschränkte Abänderung*), quam caeteri casus exprimunt, indefinitam quoque tribuens formam (*Unbeschränkte Abänderung*), Nominativo & Accusativo in utroque Numero & Genitivo plurali (jam commemorato) gaudentem 25). In singulari numero

22) De sign. relat. nom. p. 10, 16 sqq.

23) Cfr. v. Becker l. c. p. IX.

24) In praefatione ad Lexicon Finnicum.

25) L. c. p. 16 sqq.

nomina in a, å, o, ö, u & y ex Nominativo eundem formant addito a vel å, ut wara waraa, märkä märkää, vero veroa, jörö jöröå, loru loru, pyry pyryå. Solent tamen quidam Fenni ultimam vocalem tantum producere ut leikero leikeroo, loisu loiluu, keikku keikkuu, qua occasione etiam dissyllaba, nisi jam duplicem habeant consonam, neque in syllaba praecedente longam vocalem, consonantem geminant: keko kekoo, siru sirruu; Aboicae dialecto hancce adscribit formam Vhaelius (p. 14), est tamen in provincia Wiburgensi quoque usitata. Quomodo voces in i exeuntes hunc casum flectant certis regulis difficilius potest definiri, quare eundem in Lexicis quoque indicandum esse censet Judén (p. 17); e Grammaticorum disquisitionibus sequentes tamen statuendae videntur leges: 1) Quae in Genitivo habent in assumunt ia vel iå, Nominativi consonantibus haud mutatis: oppi opin oppia, koni konin konia, pâssi pâssin pâssiå; 2) syllabas ea vel eå assumunt, quae, cum Genitivo in en, vel duplicem consonam, vel l, p aut w, ultimae Nominativi praemittunt vocali 26): nurmi nurmen nurmea, onki ongen onkeä, noki noen nokeä, siipi siiven siipeå, owi owen owea; 3) excipienda sunt vocabula desinentia in si, quorum omnia, tam vocali quam consona praecedente, habent ita tt̄, ðta vel ðtå: hynsi hynnen hyyttå, wesi weden wettå, kuusi kuusen kuustaz pariter, exclusis jam allatis, 4) caetera abjecto i addunt ta vel tå: lohi lohen lohta, hiili hiilen hiiltå, liemi lie-men sientå 27), åäni åänen åäntå, weri weren werta, neiti neiden neittå; quibus addenda sunt 5) monosyllaba omnia: woi woin woita, luu luun luuta, phy phyn phy-

26) Cfr. v. Becker I. c. p. 23.

27) m ante t permutari in n docet v. Becker p. 19; sunt heic quoque nonnulla excipienda; ut nimi nimen nimeä, hymen hymea, cuius tamen Genitivum quidam etiam formant litteris in, unde iå: hymi, hymin hymia.

tā, pīi pīin pīitā, wħōd wħōn wħōtā, & 6) in consonam finientia: awain awaimen awainta, paimen paimenen painmenta, tytār tyttōren tytārtā, wenet weneen wenettā, kħnnys kħnnħksen kħnnystā; ubi tamen observandum 7) in s exeuntia cum Genitivo in den, abjecto s, assumere ita, ttā; ħlpehs ħlpeħden ħlpeħtā, ahkeruus ahkeruuden ahkerutta, & 8) syllabam ultimam vocum in nen fieri sta vel stā: nainen naisen naista, Hāmäläinen Hāmäläisen Hāmäläistā. — Infinitivum pluralis Numeri vocabula in i addito a vel å formant: wuohi wuohia, niemi niemiat, ubi vero Infinitivi in utroque numero hac flexione fierent similes, in plurali e haud raro praemittitur duabus ultimis vocalibus, ut pāssfi pāssfiā pāssejā. Ex a in Nominativo evadit ia, oja vel oita (kopra, kopria, wala waloja, pisara pisarointa), ex å iā vel öitā (kylā kylia, leiwiskā leiwisköitā); litteris o, ö, u, y additur ja, jå, ita vel itā, ut kolo koloja, kartano kartanoita, pöllö pöllöjå, möhörö möhörditā, muru muruja, tappelu tappeluita, käpy käpy ja, khy khitā. Ex allatis exemplis jamjam appareat vocabula dissyllaba, quorum maximus est numerus in lingua Fennica, mutari in ia iā ja vel jå, monosyllaba vero, dipthongorum priori abjecta, longaque vocali correpta, & polysyllaba assumere litteras ita vel itā, quando vero voces in å mutandae sint in ia & quando in oja certis regulis vix distiniri potest. Cum consonantibus finientia facillime ex Genitivo Singularis deducuntur, mutatis duabus ultimis vocalibus, si praecedit consonans, in ia, iā, post vocalem vero in ita vel itā: Karjalainen karjalaisen karjalaiftia, taimen taimenen taimenia, sisär sisären sisäriä, wieras wieraan wieraita, mies miehen miehiä, jänis jänifsen jäniksiä, kinos kinoksen kinoksia. Ultimorum exemplum imitantia caetera quoque vocabula in s, cum Genitivo den, in Infinitivo habent ksia: kuukaus kuukauwen kuukausia, urous urouden urouksia.

Vocativum cum eadem vi ac in Latina lingua, vernaculae quoque omnes Grammatici antiquiores tribuerunt; eundem tamen utpote nullibi a Nominativo diversum omittendum esse observavit jamjam Porthan 28), quam opinionem etiam adoptarunt Renvall & von Becker; Strahlmann autem & Judén, more antiquitus recepto, proprium vocativo (Ruffall) concesserunt locum, eam, uti videtur, tenentes mentem: e significationibus primariis quas diversis relationibus sibi induere possunt nominā, casuum numerum esse determinandum; priores e contrario melius esse consultum existimarunt, si tantum ad terminationes in casibus constitutis adtenderent.

Sequitur ordine annumerandus casus a plurimis *Ablativus* appellatus in *sta*, *stā*, *istā* vel *istā* finiens. Significat 1) materiam ex qua aliquid constat e. c.

Kust' on koppa fanteleessä?
Koiwusta wisa-perästā;

2) locum unde exit aliquid, ut:

Jtestāni Wainämösen
Weit juoksit simistā.

3) causam ex qua oritur: ut: *Kipunasta tuli sytthy*, & 4) rem de qua agitur: *puhuu asiasta*.

Quia vero haud tam ampla adhibetur significatione quam Latinorum Ablativus, varie nomine quoque vim casus hujuscē denctare studuerunt recentiores; quare Strahlmann eundem appellat *Woherfall*, Renvall & v. Becker *Ablativum interiore*, quam denominationem deinde quia motum e loco vel originem e materia exeunte p̄aestim exprimit in *Elativum* perm̄utavit prior. Oritur ex Genitivo, mutato in Singulari n in *sta* vel *stā*, & in Plurali duabus ultimis litteris in *istā* vel *istā*, cui legi adden-

28) In Notis MSS. ad Grammaticam Vhaelianam, p. 6.

dum est: vocabula in Infinitivo o vel ö ante i assumentia, heic quoque eandem requirere vocalem; in vocibus similem formantibus casum huncce in utroque numero terminationi pluralis e esse praemittendum; & f syllabae finali esse praeponendum in iis vocabulis quae hanc literam in Infinitivo plurali assumunt; e. c. Onni onnen onnesta onnistä, onki ongen ongesta ongista, koira koiran koirasta koirista, wästa wästan wastasta wastoista, hauki hauin hauista haueista, ylpehs ylpeyden ylpeydestä ylpeyhfistä.

Ablativum Petraei & Martinii in sa vel sā, ssa & ssā, isa, isā, issa, issā, utpote locum, & quidem interiorem, in quo quid versatur, designantem ut:

Hewoisessa miehen henki
Waimossa talon pitäntö; vel
Talleella tyttö mättäässä;

Locativum Vhaelius, Wofall Strahlmann, *Locativum Inesse* Judén, *Locativum interiorem* Renvall & von Becker appellant; in Lexico tamen Fennico Renvalliano nomine *Inessivi* significatur. Flectitur ex Genitivo Singulari appensa terminatione eodem omnino modo ac in casu praecedenti: woima woiman woimassa woimissa, lammaš lampaan lampaassa lampaisa, hapan happamen happamessa happamissa, niska niskan niskassa niskoissa, appi apin apissa apeissa.

Mediativus (*Organicus*) Vhaelii, Petraei & Martinii Ablativus in lla llå, illå illa, uti proxime praecedentes duo casus interiorem rei relationem indigitant, e contrario adhibetur: ubi de possessione externa, e. c.

Jumalall' on onnen objat,
Luojalla lykyn awaimet;

de quiete in superficie:

Kiivet rannalla rakoowi
Paaet paakkii kallioilla
Wainamoinen laulaissa;

de instrumento quo quid agitur: *kauralla* ottaa, *kannusella* ajaa; est sermo. Tres igitur praesertim diversas habet significaciones, unde etiam Grammatici in eodem denominando alter ab altero discreparunt. Qui vim subdivisii, medii quasi, quo quid agitur, utpote primariam ejus significationem, respexit, nomen a Vhaelio receptum retinuit, unde Strahlmann Teutonica habet *Womitfall*; Renvall primo *Locativum exteriorem*, deinde *Adessivum*, von Becker itidem *Locativum exteriorem* eundem appellavit. E triplici ista potestate terminationis tres diversos casus statuere ansam sibi sumsit Judén, *Possessivum* scilicet, *Locativum superesse*, & *Mediativum*. Derivatur e Genitivo, & Dativo est simillimus, cuius finis e vel en transit in a vel å; ut apu awun awullen awulla awuullen awuilla; terwas terwassen terwakselien terwakselia terwakselien terwakselia.

Privativus Vhaelii, antiquiorum Ablativus in *lta*, *ldå*, rectius *iu lta ltå*, *iltå*, denotat 1) motum e parte rei exteriore (superiore vel inferiore), egredientem vel rem cui aliquid privatur, ut

Tulee mies meren takanta
Waan ej tule turpeen alta; vel
Osmotar oluen seppå
Otti puikon laattialta;

& deinde etiam personam ex qua aliquid exit, auctorem & originem rei e. c. *Kåwi kåskh* — — —

Raiken luonnon hartialta;
omninoque uti relationem internam exprimit Ablativus in sta vel stå, ita hicce exteriorem habet vim, unde *Abla-*

*tivum exteriorēm eum appellarunt Renvall & von Becker; demendi & privandi vero potestatē respicientes Vhaelius & Judén supra allatam denominationem adhibuerunt, quam *Vonfall* vertit Strahlmann. Allatae haece significaciones praecipuae sunt, quas indigitat casus privativus, etsi multifariis relationibus a Grammaticis enumeratis ceteroquin etiam adhibeatur. Oritur ex Genitivo, observatis iisdem omnino quae de Infinitivo & Ablativo in plurali praeterea sunt allata.*

Formam a Petraeo & Martinio omissam in *tta*, *ttā*, *ta*, *tā*, *itta*, *ittā*, *ita*, *itā*, desinentem Vhaelius primus nomine *Negativi* affert; denegat quasi possessionem vel affirmat incipiam & defectum rei, e. c.

*Saapi tyhiän pyytämätä,
Rowan vnnen ostamata,*

vel *Toka syytä suuttuu, se lahioita leppyh.* Eadem Strahlmann appellat *Ohnefall*, Judén *Negativum*, Renvall *Defectivum* & von Becker *Caritivum*, quae denominatio in Lexico fennico Renvalliano quoque est usurpata. Fit ex Genitivo Singulari additis datis terminationibus & observatis quae de proxime praecedente casu erant observanda, ut: *Kalpa kalwan kalwata, kalwita, heikkous heikkouden heikkoudeta, heikkouksita, kulkaro kulkaron kulkarota kulkaroita* 29).

Sequitur Vhaelii *Factivus*, a Petraeo & Martinio itidem neglectus, quem *Wozufall* Strahlmann, Judén *Mutativum*, Renvall *Qualificativum* & *Factivum* & von Becker *Dativum formalem* denominarunt. Desinit in *ssi* & *issi*, quae terminationi, Genitivi ultimis litteris mutatis,

29) Quae forma igitur Infinitivo plurali omnino est similis, nec nisi e contextu & aspirata lenissima in Caritivo audita distingui potest: cfr. v. Becker p. 12 & Renvall Lex. Finn. p. XIII.

adduntur, ut liina liinan liinaksi liinoissi, lanka langan langaksi langoissi; in si vero desinentia ex Nominativo Singularis casum huncce Pluralis Numeri formant: kynsi kynnen kynneksti kynsissi. Praeterea ea sunt respicienda quae de prioribus casibus sunt allata. Exprimit rei vel personae in certam formam vel indolem mutationem, ut:

Olis se kaiho kukkanella
Kaunoisella
Ett' ej hántå lentåvåksi
Luoja luonut,
Eikå suonut soittajaksi.

Uti casus proxime praecedens transformationem, ita terminationes na, nå, ina & inå, Vhaelii *Nuncupativus*, conditionem stabilitam & perseverantem subjecti statum denotant, vel ut observant Petraeus & Martinius praepositionis pro & verbi *existere* includunt vim, etsi syllabas hasce falso encliticas esse existimarunt; ut

Pikku pükäna wiserän,
Wapaana waiwatonna;
Lensi lehtenå lehossä
Perhosena pyörtåvöillä

Casum huncce, quale quid habeatur, indigitare, respiciens Strahlmann *Wofürfall* eundem appellavit; Judén nomen retinuit Vhaelianum, von Becker *Locativum formalem* nuncupavit. Qualitatis quoque primo significaturus vim Renvall *Qualitivum* nominavit, deinde perseverandi & existendi attendens potestati *Essivum* vocavit. Originem dicit in vocabulis cum vocali desinentibus ex Nominativo, additis in Singulare na, nå; vel i Nominativi, si habet in Genitivo en, mutato in ena enå, exceptis finientibus in si, cum Genitivo den, quae assumunt tena, tenå, ut haapa haapana, Lappi Lappina, onki ongen onkena, kuusi kuusen kuusena, wesi weden wetenå; pluralis vero horum

omnium flectitur absque difficultate ex Nominativo, litteris ina vel inā, praemissō o ubi Infinitivus eam assumit litteram, & interdum e, ubi alioquin Singulari fieret similis, e. c. haapoina, Lappeina, wesinā. Consonantibus finita ex Genitivo deducuntur ope litterae a vel å in Singulari & in Plurali mutata ultima Genitivi vocali in i, iisdemque a vel å appensis: Toinen toisen toisena toisina, ruomen ruomenen ruomenena ruomenina, annin antimēn antimēna antimina, syōjätär syōjättären syōjättärinā, ainet aineen aineena aineina, saijas saijaan saijaana saijaina, pieles pieleksen pieleksenå pieleksinā. Voces tamen in s, cum Genitivo den, quae Infinitivum pluralem formant terminationi praemissō f, Nuncupativum derivant e Genitivo supposito in fsen: autuus autuuden autuufsinā, oikeus oikeuden oikeuksinā.

Sequitur *Penetrativus* Vhaelii, praedecessoribus ejus ignotus, rem quae aliam intrudentem vel penetrantem in se accipit denotans, ut: Tulee suwenkin silmāän wesi kuin kuoppaan joutuu. Quae in ultima syllaba Genitivi Singularis brevem habent vocalem, producta hacce vocali, acutiori Nominativi consona (ubi tamen pro f substituitur t) resumta, & d mutato in t (Saawi saawin saawiin, kappa kapan kappaan, kirko kirkon kirkoon, kanssi kan-nen kanteen, wesi weden weteen); Genitivi terminationem vero producentia, injecta inter ultimam vocalem & consonam syllaba see, formant Penetrativum, ut ewås ewåän ewåäseen, taiwas taiwaan taiwaaseen, firwes firween firweeseen, autuus autuuden autuudeen vel autuuteen. Penetrativus pluralis in iis vocibus quae brevem habent terminationem Genitivi Singularis, similis est Genitivo contracto plurali in vel iin, Infinitivo numeri pluralis accommodato, ut koira koirien koiriin, kala kaloen kaloin, unde ad casus hosce distinguendos litterae hi interdum inseruntur: koirihiin, kaloihiin; quae productum habent Genitivum Singularem ultimas duas litteras mutant in iisiin,

lammias lampaan lampaisiin. Formatio quae inter duplum ultimae syllabae vocalem aspiratam h in utroque numero, cum vocali praecedenti vel sequenti injicit, in monosyllabis praesertim est usitata, ut maa maahan, suo soihin; in aliis vocabulis magis poëtice adhibetur, ut:

Lennå — — —
Tån ikuisen peråhån
Paiwåñ koitonnnon kotohon.

Retinuit appellationem Vhaelianam Judén, & Strahlmann denominationem adhibuit *Wohinfall*; Renvall motum in locum & quidem interiorem ejus partem hoc causa significatum respiciens *Allativum Interiorem* & *Illativum*, von Becker *Dativum Interiorem* nuncupant.

Ultimus vel decimus quartus a Vhaelio allatus casus, sic dictus *Descriptivus* vel *Instructivus*, rem instrumento inservientem, vel alii rei immediate adtinentem, qua quis est instructus, significat, e. c.

Jtekkin metsån Emåntå
Rinnoin aijalle ajaksin;
vel Ei sitå metåsså ollut
Koiwin koikelehtawata
Tolk' ei tullut kuulemahan,
Tehesså Tsån iloa.
aut Pååsti — — —
Sotamiehen miekkonchen
Satuloinehen orihin
Kupeheesta funottaran.

Est vero casus hicce in Singulari, ejusdem Numeri Genitivo similis, ut:

Ei sitå meresså ollut
Ewan kuulen kulkewata,
Kaheksan wajeltawata,
Tolk' ej tullut kuulemahan;

unde rarissime permanxit usitatus, neque plerumque adhibetur nisi pronominibus affixis conjunctus, e. c. *mies wai-monensa*. In plurali derivari potest ex Genitivo Singulari, mutatis ultimis duabus litteris in *oin*, *oin* vel *in*, iisdem omnino observatis quae de flexione *Instrumenti* pluralis attulimus: *kala kalan kaloin*, *kopra kopran koptin*, *leiwiskā leiwiskān leiwiskōin*, *hāmārā hāmārān hāmārin*, *lukko lukon lukoin*, *luu luun luin*, *Wenäläinen Wenäläisen Wenäläisin*, *tytär tyttären tyttärin*, *ilwes ilwelßen ilwelssin*, *kuukaus kuukauksen kuukauksin*. Vocabula tamen quae in Nominativo singulari habent si addito tantum littera *n* facillime *Instrumentivum* formant, ut *kynti kyntin*. Casum huncce *Descriptivum* appellavit Judén, *Instructivum* von Becker, & Wiefall Strahlmann; Renvall autem relationem hancce in duos diversos distinguit casus, *Suffixivum* scilicet & *Adverbiale*, etsi eandem, quantum intelligere possumus, uterque eorum habeat vim, nec nisi in ea re alter ob altero decedat, ut solum pronominibus suffixivis ornatus adhibeat prior, posterior autem nudam contineat atque propriam *Instrumentivo* terminationem. Quia rem instrumento inservientem ideoque modum quo quid sit vel agitur exprimit, igitur vim *Adverbiorum* sibi induit, haud inepte *Adverbialis* videtur nuncupatus; terminatio autem in *sti*, e. c. *hyhwästi*, *no-piästi*, nominibus *Adjectivis* tantum adjuncta, quam quoque casui huicce tribuit Renvall 30), itidem quomodo aliquid fiat significans, melius forte, more in aliis linguis recepto, *Adverbis*, rationem in universum & modum agendi contingendique denotantibus, annumeratur.

Quatuordecim igitur ex plurimorum sententia, vel judge Judén septemdecim diversis casibus gaudet vernacula nostra, relationes nominum, *præpositionum* praesertim

30) *De signis Relat. nomin p. 28 sq.*

ope ab exteris expressas, designantibus, ideoque brevitem & vim orationis insigniter promoventibus.

Non vero abundantia solummodo casuum, verum pronomiribus quoque a nomine inseparabilibus eidemque appensis, statu a Vhaelio sic dicto affixo, quem praecedentes Grammatici neglexerunt, caeterarum linguarum Europaearum relinquit habitum Fennica nostra; praeter pronomina namque separabilia, syllabae vocabulo appensa, omnibus tribus personis in utroque numero propriae, pronominium possessivorum vim, saepissime linguae nostrae genio magis convenienter, exprimunt. Sunt terminations haece: in prima persona Singulari *ni*, in secunda *si*, *s* vel *is* & in tertia *nfa*, *nsā* vel *ns*, in plurali autem *mme*, *nne* & *nfa*, *nsā* vel *ns*, quae cuique casui possunt suspensi. In hisce tamen syllabis affigendis sequentes observandae sunt leges: 1) casus in litteram i desinentes eandem mutare in e, ut formi formeni, formeſſi formeſſeni; exceptis iis quae in Genitivo i retinent: *appi apin appini*, sed *apifſi apifſſi*; & 2) pronomina inseparabilia duriorem semper adamare consonam sibi praemissam: unde qui in Genitivo leniorem quam in Nominativo habent consonam, hujus duriorem in isto quoque casu assumunt pronunciationem; e. c. *lanko langon lankonsa*, *poika pojан poikansa*; caeteri tamen casus non ex Nominativo vel Genitivo suffixivo, verum more consueto deducuntur, modo sequenti: Nom. *wirtani*, Gen. *wirtani*, Dat. *wirralleni*, Inf. *wirtaani*, Acc. *wirtani*, Abl. *wirrastani*, Locat. *wirrassani*, Mediat. vel Adess. *wirrallani*, Privat. *wirraltani*, Negat. *wirratani*, Mutat. *wirrafſeni*, Nuncup. *wirtanani*, Penetr. *wirtaani* vel *wirtahani*, Instr. *wirtaneni* vel *wirtoneni*, Plur. Nom. *wirtani*, Gen. *wirtoini*, Dat. *wirroilleni*, Acc. *wirtani*, Inf. *wirtojani*, Abl. *wirroistani*, Locat. *wirroissani*, Mediat. *wirroillani*, Privat. *wirroiltani*, Negat. *wirroitani*, Mutat. *wirroifſeni*, Nuncup. *wirtoinani*, Penetr. *wirtoini*, Instr. *wirtoineni*. Qui vero

duriorem reddunt Nominativi consonam in Genitivo, eandem duriorem pronuntiationem in Nominativo quoque affixo assumunt, & in sequentibus casibus retinent, ut *saapas sappaan sappaansa*. Pronomina haecce affixa in aliis linguis Europaeis haud usitata, praeter alias similitudines, sermonis indigeni scrutatoribus, orientalem ejus formam investigandi ansam praebuerunt, unde praesertim philologi nostri antiquiores convenientiam cum lingua Hebraea & originem gentis nostrae ex Israëlitis proponere conati sunt; ulterioribus tamen studiis institutis non potuerunt quin orientalem ejus naturam agnoscerent recentiores, affinitatem tamen cum linguis Semiticis nullo modo tam propinquam esse intellexerunt, ut de origine gentis nostrae aliquid colligere ausi fuerint 31); unde errorum humanorum catervae jam pridem hypothesis ista, minime sufficientibus argumentis superstructa, est annumerata.

Praeceptis Grammaticorum de casibus, eorum derivatione & significatione qualitercumque allatis, distributionem flexionum in diversas Declinationes, quaeque de mutatione pronominum, participiorum & nominum defetivorum, Abverbiis & Postpositionibus pertinentium, fuerint dicenda, temporis angustia prohibiti, pagellis periculum hocce, si fuerit in fatis, continuaturis, tractanda atque proponenda relinquere cogimur.

31) Sjögren üb. die Finn. Sprache u. ihre Litter, S. 30 f. 45 f.

53

que oveles. La caza de venado es muy apetecible
y se practica en el valle de Oaxaca y en la
sierra de Oaxaca. Los venados que se caza en
el valle de Oaxaca son de menor tamaño que
los que se caza en la sierra. Los venados que se
caza en la sierra son más grandes y tienen
más carne que los que se caza en el valle.
Los venados que se caza en el valle de Oaxaca
son más jóvenes que los que se caza en la
sierra. Los venados que se caza en la sierra
son más viejos que los que se caza en el valle.
Los venados que se caza en el valle de Oaxaca
son más jóvenes que los que se caza en la
sierra. Los venados que se caza en la sierra
son más viejos que los que se caza en el valle.

Los venados que se caza en el valle de Oaxaca
son más jóvenes que los que se caza en la
sierra. Los venados que se caza en la sierra
son más viejos que los que se caza en el valle.
Los venados que se caza en el valle de Oaxaca
son más jóvenes que los que se caza en la
sierra. Los venados que se caza en la sierra
son más viejos que los que se caza en el valle.

Los venados que se caza en el valle de Oaxaca
son más jóvenes que los que se caza en la
sierra. Los venados que se caza en la sierra
son más viejos que los que se caza en el valle.

Yliom. kiel. 3.

Rein

KANSALLISKIRJASTO-KANSALLISKOKOELMA



120 101 9820



